

Razdelujesze Articulusi pri Nemczech na sztanovite, Nesztanovite, y Zverssen.

Nesztanoviti Articulus je jednoversztznoga broja, y je izsti: *Einer, eine, eines, jeden, jedna, jedno*, koi nikaj sztanovitoga neznamenuje, v. g. *Ein Mensch*, Chlovek, nigdosze pak naj nechudi, dasze vu Horvaczkom sztavi *jeden*, terize vu Nemskom posztavi, kaiti kak zgora recheno je, Substantivum Nemski nemore sztati prez Articulusa sztanovitoga ali nesztanovitoga. Articulus eiti, navlasztito kada dojde pred adjectivumom po vszeh Casusseh sztane, y Genusseh, declinujesze pak *einer*, ovak:

Masculinum illiti Muski Szpol,

das Männliche Geschlecht.

	Jednoversztzni.	Singularis.	Einfach.
Nominativo	<i>Einer,</i>		Jeden,
Genitivo	<i>Eines,</i>		jednoga,
Dativo	<i>Einem,</i>		jednomu,
Accusativo	<i>Einen,</i>		jednoga,
Vocativo	Nema		
Ablativo	<i>von Einem,</i>		od jednoga,

Vechversztznoga broja nema illiti Pluralissa kak y pri Horvateh.

Fœmininum illiti Senszki Szpol.

Das Weibliche Geschlecht.

Nominativo	<i>Eine,</i>	Jedna,
Genitivo	<i>Einer,</i>	jedne,
Dativo	<i>Einer,</i>	jednoi,
Accusativo	<i>Eine,</i>	jednu,
Vocativo	Nema	
Ablativo	<i>von Einer,</i>	od jedne,

Pluralissa nema kakti y gornyi.